

virum Aquilam dictum, Britannicum imperium, post Saxones, & Normannos ad veteres Britanos denuo recasurum hic prædixisse volunt, qui vel Saturno hoc esse vetustius contendunt, cum tamen ab Alfredo constructum fuisse sit certo certius. Malmesburiensis enim Historicus sua ætate lapidem vetustum ex muri ruinis in Sanctimonialium Capitulum translatum prodidit, sic inscriptum,

ANNO DOMINICÆ INCARNATIONIS ÆLFREDVS REX FECIT HANC VRBEM DCCCLXXX. REGNI SVI VIII.

Hanc inscriptionem lubentius ad veritatem asserendam adunxi, quod in omnibus, quæ vidi, exemplaribus, desideratur, præterquam uno solo Domini Burghlæi summi Angliæ Thesaurarii.

Baro Howard de Marnhill. Stourminster.

Inde Stourus per *Marnhill*, unde Henricus Howard titulum *Baronis Howard de Marnhill*, priusquam Comitis Northantoniæ illustraretur, accepit, *Stourminster* petit, id est, *Monasterium ad Stourum*. Exile oppidum humiliore situ, cui ponte saxeo conjungitur *Newton* castrum, ubi moles magno labore aggesta eminet, sed castri ne tantillum præter nomen superest. De his nihil antiquius occurrit quam quod *Ælfredus Rex Stourminster* filio suo juniore legaverit. In proximo ad *Silleston* duo satis magni surgunt colles, alter *Hameldon*, alter *Hodde* dictus, uterque triplici vallo firmatus. Nec longe, locum designare non possum, fuit *Okeford* caput Baroniæ Roberti filii *Pagani*, vulgo *Fitz-Payne*, qui filiam duxit *Guidonis de Brient*, qui etiam Baronis honore hoc occiduo tractu, sub Rege Edwardo III, floruit, sed deficientibus *Fitz-Painorum* masculis ad *Poyningos* ea etiam ætate Barones, & per eorum filiam tandem, regnante Henrico VI, in *Percis* Northumbriæ Comitibus hi tituli Baronum *Fitz-Payne*, *Brient*, & *Poynings* coaluerunt. Patrum tamen memoria, beneficio Henrici VIII, Baronis *Poynings* dignitas in Th. *Poynings* viro bellicoso & illegitimæ prolis fecundo refluuit, & statim cum illo evanuit.

Barones. Fitz-Payn. Baro Brient. Barones Poyninges.

Hinc per *Brieston*, id est, *Brientii oppidum*, sedem antiquæ equestris familiæ *Rogerfiorum*, *Blandford* forum adit Stourus, quod ex quo nostra memoria fortuito igne deflagavit, elegantius surrexit, & habitatoribus est frequentius. Inde per *Tarrent*, ubi virginibus sacris *Richardus Poërius* *Sarisburiensis* Episcopus posuit monasterium, citato cursu ad antiquissimum oppidum *VINDOGLADIAM*, cujus meminit *Antoninus*, prope rat Stourus. Quod Saxonice *pynburnham*, vulgo *VWinburne*, & à monasterio *VWinburnminster*, exacteque hinc ad *Dorchester* XVI milliaria numerantur, quot inter *VINDOGLADIAM*, & *DVRNOVARIAM* interponit *Antonini Itinerarium*. Nomen vero à situ factum conjicio, quod inter duo flumina intersidet. *VWindugledy* enim Britannice inter duos gladios sonat. Fluvios autem à Britannis gladios peculiari phrasi appellari, *Milfordici* portus nomen Britannicum *Aberduglediau* docet, id est, *Ostium duorum gladiorum*, eo quod duo flumina *Clediau*, id est, *Gladii* dicta, influunt. Nomen item recentius à fluminibus du-

Vindogladia.

Winburne.

ctum videtur, *Win-burne* enim coaluit à particula antiqui nominis *Vin*, & Saxonico *Burne*, quod illis rivum significat, & ejus adjectione soliti sunt Saxones loca ad flumina denominare. Oppidum ipsum ad collis ramentum sedet, amplum & magna habitatorum multitudine refertum. Saxonico sæculo celeberrimum fuit, nec alia, credo, de causa, quam quod Romanæ majestatis tunc temporis præ se tulerit indicia. Anno DCCXIII, *Cuthburgo Inæ Occidentalium Saxonum Regis* foror, cum conjugii pertæsa viro suo *Northumbriæ Regi* repudium misisset, *Monasterium virginibus* hic posuit; quod cum tempore cessisset, nova eo loci surrexit Ecclesia cum pulchra sub choro crypta, & pyramide, præter turrem sacram, excelsa, in quam introducti pro virginibus *Præbendarii*. Quibus patrum memoria præfuit *Reginaldus Polus Decanus*, qui postea *Cardinalis*, & *Archiepiscopus Cantuariensis*, supra familiæ splendorem (regio enim sanguine natus erat) pietatis, prudentiæ, & eloquentiæ gloria inprimis floruit. *Etheldredus Rex* princeps longe optimus frater *Alfredi* in prælio ad *VWittingham* contra *Danos* cæsus, in hoc templo conditur, ad cujus tumulum, qui non ita pridem restauratus, hæc legitur inscriptio,

Burne quid Saxonibus.

Annales Anglo-Saxonici.

IN HOC LOCO QUIESCIT CORPUS S. ETHELDREDI REGIS WESTSAXONUM MARTYRIS, QUI ANNO DOMINI DCCCLXXII. XXIII. APRILIS PER MANUS DANORUM PAGANORUM OCCUBUIT.

Iuxta quem sita est *Gertrudis Marchionissa Exoniæ*, mater *Edwardi Courtenæi* postremi ex ea familia *Comitis Devonæ*; & ex altera parte chori *Ioannes de Beaufort Dux Somersetti* cum uxore, cujus filia *Margareta Comitissa Richmondæ* mater *Henrici VII*, princeps pietissima scholam hic erudiendæ juventuti instituit. Sed à templo ad oppidum stylum vertam. Cum *Dani* malis artibus *Anglos* inter se bello committere conarentur, & conjunctionem inter *Regem Edwardum Seniore*, & *Æthelwaldum* ejus cognatum dirimerent; *Æthelwaldus* regnandi libidine percitus, & averissimo à Principe suo animo, hoc quantis potuit operibus communivit. Sed ubi primum *Edwardus* cum suis accessit, & ad *Baddan-byrig*, quod nunc *Badbury*, castra posuit; ille fuga se ad socios *Danos* proripuit. *Badbury* autem ille collis duobus vix milliariibus abest triplici vallo incinctus, castrumque, ut ferunt, olim habuit *Regum West-Saxonum* sedem. Quod tamen (si modo fuerit) ita suis rudibus sepultum jacet, ut ne vestigium viderim.

Badbury.

In proximo autem vidimus villam *Kingston*, *Laceiorum* dictam, quod ad *Laceios Lincolnæ* *Comites* una cum *Winburna* spectavit, ad quos transactione per *Quincium Wintonæ* *Comitem* à *Leicestriæ* *Comitibus* devenit. Rex enim *Henricus Primus* *Roberto Comiti Mellenti* & *Leicestriæ* dederat: & à *Laceis* tandem utrumque ad *Lancastrensem* familiam devenit, quam sibi perbenignam, ut dixi, sensit *VWinburna*.

Kingston Lacy.

A *VWinburna* Stourus *Alenum* amniculum admittit, cui incumbit *S. Giles VWinburn*, habitatio

Astley Barones. Maltra-vers.

cla-